

BAB

4

LAKARAN PETA MALAYSIA



Malaysia terdiri daripada beberapa buah negeri dan wilayah persekutuan. Di manakah kedudukan ibu negeri bagi setiap negeri dan ibu negara Malaysia?



Standard Pembelajaran

Pada akhir pengajaran dan pembelajaran murid dapat:


- Menentukan kedudukan negeri-negeri dan wilayah-wilayah persekutuan di Malaysia berdasarkan peta.
- Menentukan kedudukan ibu negeri, ibu negara Malaysia dan Pusat Pentadbiran Kerajaan Persekutuan di Malaysia berdasarkan peta.
- Melakar peta Malaysia yang lengkap dengan berpanduan peta sebenar.

1. Negeri-negeri di Malaysia



Apakah nama negeri-negeri di Malaysia?

3. Melakar peta Malaysia





2. Ibu negeri, ibu negara dan Pusat Pentadbiran Kerajaan Persekutuan



Di manakah kedudukan ibu negeri bagi negeri-negeri di Malaysia, ibu negara dan Pusat Pentadbiran Kerajaan Persekutuan?



4.1

KEDUDUKAN NEGERI-NEGERI DI MALAYSIA

Malaysia ialah sebuah negara yang terletak di Asia Tenggara. Semenanjung Malaysia **bersempadan** dengan negara Thailand di utara dan Singapura di selatan. Sabah dan Sarawak pula terletak di Pulau Borneo yang bersempadan dengan Kalimantan (Indonesia) dan Brunei Darussalam.



Peta 4.1 Negeri dan wilayah persekutuan di Malaysia



Kenali bendera bagi setiap negeri dan wilayah persekutuan di Malaysia. Dapatkan maklumat berkaitan maksud warna bagi bendera tersebut melalui laman web yang berikut:

<http://eravisi.com/geo/tg1/ms014>



Lakarkan peta kosong Malaysia pada kertas A4. Tuliskan nama negeri dan wilayah persekutuan pada tempat yang betul.





Malaysia mempunyai masyarakat yang berbilang kaum. Bagaimanakah keunikan budaya bagi setiap kaum mampu menyatupadukan masyarakat secara harmoni?



**Info
GEOGRAFI**

Jabatan Ukur dan Pemetaan Malaysia (JUPEM) bertanggungjawab dalam memacu pembangunan negara dan berfungsi sebagai penasihat kerajaan dalam bidang ukur dan pemetaan, di samping menjalankan kerja-kerja pengukuran dan pemetaan sebagai asas pembangunan sosioekonomi dan kedaulatan negara.

Sumber: <http://eravisi.com/geo/tg1/ms015>



Glosari



Bersempadan: Bersebelahan dengan sesuatu kawasan atau daerah



4.2

KEDUDUKAN IBU NEGERI, IBU NEGARA DAN PUSAT PENTADBIRAN KERAJAAN PERSEKUTUAN DI MALAYSIA

Kesemua negeri di Malaysia mempunyai ibu negeri masing-masing. Ibu negeri berperanan sebagai pusat **pentadbiran** bagi sesebuah negeri. Peta 4.2 menunjukkan kedudukan ibu negeri, ibu negara dan Pusat Pentadbiran Kerajaan Persekutuan di Malaysia.



Peta 4.2 Kedudukan ibu negeri, ibu negara Malaysia dan Pusat Pentadbiran Kerajaan Persekutuan

Sumber: Spatialworks Sdn. Bhd.



Setiap ibu negeri ditentukan berdasarkan faktor tertentu. Mengapakah sesebuah kawasan dipilih sebagai ibu negeri?

Glosari



Pentadbiran: Pemerintahan





Info GEOGRAFI

Pada tahun 1963, Kuala Lumpur telah diiktiraf sebagai ibu negara Malaysia. Kuala Lumpur berfungsi sebagai pusat pentadbiran negara, pusat perniagaan, kebudayaan dan kewangan. Walau bagaimanapun, pada tahun 2001, Pusat Pentadbiran Kerajaan Persekutuan telah dipindahkan ke Wilayah Persekutuan Putrajaya.

Sumber: Utusan Malaysia, 2 Februari 2001



Info GEOGRAFI

Nama Putrajaya diambil bersempena dengan nama Perdana Menteri Malaysia yang pertama, iaitu Tunku Abdul Rahman Putra Al-Haj.

Sumber: <http://eravisi.com/geo/tgl/ms016>




Mahir Diri

Lakarkan peta Malaysia pada sehelai kad manila. Gunakan surat khabar atau majalah lama dan tampalkan pada peta untuk menunjukkan negeri yang berbeza. Anda digalakkan menggunakan teknik kolaj untuk menghasilkan peta yang lebih menarik.





Lakaran Peta Malaysia



Negeri-negeri dan Ibu Negeri di Malaysia

Negeri-negeri	Ibu Negeri
Perlis	Kangar
Kedah	Alor Setar
Pulau Pinang	Georgetown
Perak	Ipoh
Selangor	Shah Alam
Negeri Sembilan	Seremban
Melaka	Bandaraya Melaka

Negeri-negeri	Ibu Negeri
Johor	Johor Bahru
Pahang	Kuantan
Terengganu	Kuala Terengganu
Kelantan	Kota Bharu
Sabah	Kota Kinabalu
Sarawak	Kuching





Cabaran Prestasi

A. Isi tempat kosong dengan jawapan yang betul.

1. Malaysia terdiri daripada _____ buah negeri.
2. Terdapat _____ buah wilayah persekutuan di Malaysia.
3. Negeri _____ dan _____ terletak di Pulau Borneo.
4. Pusat Pentadbiran Kerajaan Persekutuan Malaysia ialah _____.
5. Kuala Lumpur ialah _____ Malaysia.

B. Cari nama ibu negeri bagi negeri-negeri di Malaysia dalam perkataan tersembunyi di bawah.

K	E	R	T	E	H	M	J	O	H	O	R	B	A	H	R	U	S	B	K
T	U	W	X	H	E	I	Q	E	I	A	B	A	L	I	N	H	E	B	A
A	N	A	M	C	B	R	K	O	T	S	S	B	N	L	O	Y	N	E	N
I	B	A	N	E	K	I	R	E	S	U	B	A	N	P	V	J	A	N	G
P	X	C	V	T	A	P	S	I	K	U	C	H	I	N	G	T	W	T	A
I	B	A	N	D	A	R	A	Y	A	M	E	L	A	K	A	A	O	R	R
N	Z	V	Q	A	O	N	K	U	N	D	A	S	A	N	G	A	N	N	B
G	E	F	Q	L	I	V	A	S	E	R	E	M	B	A	N	I	G	G	B
J	C	B	A	A	C	B	F	K	O	T	A	B	H	A	R	U	S	T	G
S	H	A	H	A	L	A	M	B	U	T	T	E	R	W	O	R	T	H	O
B	F	K	O	T	A	K	I	N	A	B	A	L	U	U	P	F	O	V	S
T	D	B	G	E	O	R	G	E	T	O	W	N	F	H	G	V	B	P	A
K	U	A	L	A	T	E	R	E	N	G	G	A	N	U	Q	C	B	N	A

C. Berdasarkan negeri tempat tinggal anda:

- (i) Nyatakan nama bandar yang menjadi ibu negeri.
- (ii) Terangkan mengapa bandar itu dipilih sebagai ibu negeri dan nyatakan beberapa keistimewaannya.

